

ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС ТАЪЛИМ  
ВАЗИРЛИГИ

ТОШКЕНТ ДАВЛАТ ИҚТИСОДИЁТ УНИВЕРСИТЕТИ

*Қўлёзма ҳуқуқида*  
УДК: 631:339.13

**ТАШМАТОВ РУСТАМ ХУСАНОВИЧ**

**ФЕРМЕР ХЎЖАЛИКЛАРИ КООПЕРАЦИЯСИ ВА БОЗОР  
ИНФРАТУЗИЛМАЛАРИ РИВОЖЛАНИШИНИ БОШҚАРИШ**

08.00.13 - “Менежмент ва маркетинг”

Иқтисод фанлари номзоди илмий даражасини  
олиш учун тақдим этилган диссертация

**АВТОРЕФЕРАТИ**

Тошкент-2010



631  
Т 29  
Диссертация иши Ўзбекистон Республикаси Давлат мулки қўмитаси  
Тадқиқотлар маркази ва Тошкент давлат иқтисодиёт университетида  
бажарилган

**Илмий раҳбар:** иқтисод фанлари доктори, профессор  
**Беркинов Бозорбой Беркинович**

**Расмий оппонентлар:** иқтисод фанлари доктори, профессор  
**Умурзоқов Уктам Пардаевич**

иқтисод фанлари номзоди, доцент  
**Акрамов Босит Ахрорович**

**Етакчи ташкилот:** Ўзбекистон Республикаси Қишлоқ ва  
сув хўжалиги вазирлиги

Диссертация 2010 йил “21” сентябр соат 9<sup>00</sup> да Тошкент давлат  
иқтисодиёт университети қошидаги иқтисод фанлари доктори илмий  
даражасини олиш учун диссертациялар химояси бўйича Д067.06.01 рақамли  
Ихтисослашган кенгаш мажлисида химоя қилинади.

Манзил: 100003, Тошкент шаҳри, Ўзбекистон шох кучаси, 49.

Диссертация билан Тошкент давлат иқтисодиёт университетининг  
кутубхонасида танишиш мумкин.

Автореферат 2010 йил “20” сентябр да тарқатилди

Ихтисослашган кенгаш  
илмий котиби в.б.  
и.ф.д., профессор



**Б.Т.Салимов**

## ДИССЕРТАЦИЯНИНГ УМУМИЙ ТАВСИФИ

Мавзунинг долзарблиги. Ўзбекистон кишлоқ хўжалигида босқичма-босқич олиб боришга ислохотлар туфайли кўп укладли аграр иқтисодиёт шаклланди. Натижада хусусий мулкчиликка асосланган турли тоифадаги хўжалик субъектлари ташкил топиб, фаолият кўрсатмоқда. Айниқса, фермер хўжаликларининг аграр иқтисодиётдаги мавқеи жадал суръатларда ўсиб бормоқда. Янги ташкил этилган фермер хўжаликларини давлат томонидан қўллаб-қувватлаш бўйича қатор чора-тадбирлар ишлаб чиқилиб, ҳаётга жорий этилмоқда. Бу охириги йилларда қабул қилинган қатор Президент Фармонлари ва Фармойишлари, Президент ва Вазирлар Маҳкамаси қарорларида ўз аксини топган. Ўзбекистон Президенти И.А.Каримов ўзининг жаҳон молиявий-иқтисодий инқирозига бағишланган асаридида “... қишлоқда турмуш даражасини юксалтиришга, қишлоқларимиз қиёфасини ўзгартиришга қаратилган, узоқ муддатли ва бир-бири билан чамбарчас боғлиқ кенг қўламли чора-тадбирларни амалга ошириш, ижтимоий соҳа ва ишлаб чиқариш инфратузилмасини ривожлантиришни жадаллаштириш, мулкдорнинг, тадбиркорлик ва кичик бизнеснинг мақоми, ўрни ва аҳамиятини тубдан қайта кўриб чиқиш, фермер хўжаликлари ривожини ҳар томонлама қўллаб-қувватлаш<sup>1</sup>” алоҳида эътибор бериш лозим бўлган устувор вазифа эканлигини кўрсатиб ўтган. Шу билан бир вақтда, мамлакатимиз раҳбари иқтисодиётда таркибий ўзгартириш жараёнларини чуқурлаштириш сиёсатини давом эттиришда эътибор қаратилиши лозим бўлган вазифалар қаторига “қорхоналар ўртасида кооперация алоқаларини ўрнатиш ва уларни кенгайтириш бўйича бошланган ишларни давом эттириш, бу жараёнга кичик бизнес ва хусусий тадбиркорлик субъектларини фаол жалб қилиш зарур<sup>2</sup>”лигини таъкидлаган. Мамлакатимиз раҳбари томонидан қўйилган ушбу устувор вазифаларни ўз вақтида самарали ҳал этиш фермер хўжаликларини қўллаб-қувватлаш сиёсатини изчил амалга ошириш, уларнинг ҳуқуқий мақомини мустаҳкамлаш, иқтисодий эркинлиги ва фаоллигини ошириш, ривожланишини сифат босқичига кўтариш имконини беради. Шу билан бирга, фермерларнинг иқтисодий барқарор ривожланиши ҳамда уларнинг асосий товар ишлаб чиқарувчи хўжалик субъекти сифатидаги мавқеини мустаҳкамлаш, кишлоқ хўжалик маҳсулотлари турларини ва ҳажминини кўпайтириш, сифатини яхшилаш максалида ҳудудларда кооперацияга асосланган ихтисослашган фермер хўжаликлари уюшма (бирлашма)ларини ташкил этиш, фермер хўжаликларига хизмат кўрсатувчи бозор инфратузилмалари ва улар ўртасидаги иқтисодий муносабатларни такомиллаштириш, фермер хўжаликларига хизмат кўрсатиш сифатини яхшилаш, истикболда бозор инфратузилмаларининг ривожланиш йўналишларини аниқлаш, фермер хўжаликларини молиялаштириш тизимини такомиллаштириш ва шу каби бошқа муаммоларни ечимига боғлиқ бўлиб қолмоқда.

<sup>1</sup> Каримов И.А. Жаҳон молиявий-иқтисодий инқирози, Ўзбекистон шароитида уни бартараф этишнинг йўллари ва чоралари. – Т.: Ўзбекистон, 2009. – 41 б.

<sup>2</sup> Каримов И.А. Асосий вазифамиз – ватанимиз тараққиёти ва халқимиз фаровонлигини янада юксалтиришдир. – Т.: Ўзбекистон, 2010. – 59-60 б.

Ўқорида қайд этилган муаммоларнинг мавжудлиги танланган мавзунинг долзарблигидан далолат беради ва бу йўналишда тадқиқот ишларини олиб боришга асос бўлади.

**Муаммонинг ўрганилганлик даражаси.** Аграр соҳада фермер хўжаликлари фаолиятини бошқариш ва ривожлантириш муаммолари қатор хорижий ҳамда мамлакатимиз олимлари томонидан тадқиқ этилган. Дастлаб фермер хўжалигини ташкил этиш ғоялари, тамойиллари ва шакллари россиялик олим А.Чаянов<sup>3</sup> томонидан тадқиқ этилган. Англиялик олим М. Баккет<sup>4</sup> томонидан фермер хўжаликлари фаолиятини ташкил этиш ва уни бошқаришнинг илмий-услубий асослари ишлаб чиқилган. Режали иктисодиётдан бозор муносабатларига ўтиш даврида қишлоқда фермерлик ҳаракатини ривожлантириш муаммолари россиялик олимлар И.Алтухов, Л.Девяткина, М. Козлов, Н. Тарасова, Р. Казакбаев<sup>5</sup> ва бошқаларнинг илмий ишларида ўз аксини топган.

Ўзбекистон шароитида қишлоқ хўжалигини ислоҳ қилиш ва янги аграр муносабатларни шакллантириш, фермер хўжалиklarини ривожлантиришнинг илмий-услубий асослари ва амалий муаммолари Р.Хусанов, Ў.Умурзоқов, Б.Акрамов, А.Абдуллаев, Н.Хушматов, Т.Фармонов<sup>6</sup> ва бошқаларнинг илмий ишларида атрофлича ёритилган. Шунингдек, фермер хўжалиklarини қўллаб-қувватлаш, уларга ахборот, маслаҳат ва маркетинг хизматлари кўрсатиш ҳамда бозор инфратузилмаларини ривожлантиришнинг ташкилий-иктисодий механизмлари Б.Беркинов, Ч.Муродов, О.Хатамов, Т.Марданақулов, З.Муқимов<sup>7</sup> ва бошқа олимлар томонидан ўрганилган.

Ушбу ва бошқа муаллифлар томонидан чоп этилган илмий тадқиқотлар натижалари фермер хўжалиklarининг ривожланишини қўллаб-қувватлаш,

<sup>3</sup> Чаянов А.В. Основные идеи и формы организации сельскохозяйственной кооперации. – М.: Наука, 1991. – 455 с.

<sup>4</sup> Баккет М. Фермерское производство: организация, управление, анализ. – М.: Агрпромиздат, 2002. – 470 с.

<sup>5</sup> Алтухов И.А., Девяткина Л.Н. Становление фермерства в России // Аграрная наука. – Москва, 2000. – №8. – с.2-3.; Козлов М.П. Пути дальнейшего развития фермерства в России // Вопросы статистики. – Москва, 2001. – №5; Тарасова Н. Фермерское хозяйство и межхозяйственная кооперация // Экономика сельского хозяйства России. – Москва, 2000. – № 8. – с.5; Казакбаев Р. Факторы, обуславливающие место фермерства в обществе и пути кооперации фермерских хозяйств // Международный сельскохозяйственный журнал. – Москва, 1999. – №9. – с.8-11.

<sup>6</sup> Хусанов Р.Х. Агросоаноат комплекси иктисодиёти. – Т.: Кувасой, 2003. – 771 б.; Умурзоқов Ў.П. ва бошқ. Фермер хўжалиги иктисодиёти. – Т.: Молия-иктисод, 2008. – 273 б.; Акрамов Б.А. ва бошқалар. Қишлоқда фермер хўжалиklarини юзага келиши ва ривожланишнинг асосий тамойилларини белгилаш: Услубий қўлланма. – Т.: 2007, – 23 б.; Абдуллаев А., Айбешов Х. Фермер хўжалиги иктисоди. – Т.: Aloqachi, 2008. – 172 б.; Хушматов Н.С. Дехкон (фермер) хўжалиklarини ташкил этиш самарадорлиги ва уларнинг бошқа ташкилотлар билан ўзаро муносабатларини такомиллаштириш.: И.ф.н. илмий даражасини олиш учун диссертация автореферати. – Т.: 1994. – 22 б.; Фармонов Т.Х. Ўзбекистон Республикасида фермер хўжалигини ташкил этиш ва ривожлантиришнинг асосий йўналишлари.: И.ф.д. илмий даражасини олиш учун диссертация автореферати. – Т.: 2006. – 50 б.

<sup>7</sup> Беркинов Б.Б. Қишлоқ консалтинг хизматлар бозорининг ҳозирги аҳволи ва уни ривожлантириш масалалари: Тулпам. – Т.: Мехнат, 2002. – 157-161 б.; Муродов Ч. Ўзбекистон иктисодиётини эркинлаштириш шароитида бозор инфратузилмасининг ривожланиши (аграр сектор мисолида): И.ф.д. илмий даражасини олиш учун диссертация автореферати. – Т.: 2001. – 47 б.; Хатамов О.Қ. Қишлоқ хўжалик техникаси лизингига инвестициялар жалб этиш жараёнларини моделлаштириш. – Т.: O'zbekiston milliy ensiklopediasi, 2007. – 142 б.; Марданақулов Т.И. Минтакада бозор инфратузилмасини ривожланиши (Сурхондарё вилояти мисолида): И.ф.н. илмий даражасини олиш учун диссертация автореферати. – Т.: 2002. – 19 б.; Муқимов З.М. Фермер хўжалиklarига хизмат кўрсатиш ва моддий-техника таъминоти тизимини такомиллаштириш (Қашқадарё вилояти мисолида): И.ф.н. илмий даражасини олиш учун диссертация автореферати. – Т.: 2009. – 24 б.

бошқаришни такомиллаштириш, ишлаб чиқариш ва бозор инфратузилмаларини ташкил этишни кенгайтиришнинг назарий ва услубий асоси сифатида катта илмий-амалий аҳамиятга эга.

Шу билан бирга, кейинги йилларда аграр соҳадаги институционал ўзгаришлар, фермерлик ҳаракатини қўллаб-қувватлашнинг янада фаоллашуви, фермерлар экин майдонларини оптималлаштириш, қишлоқ жойларида инфратузилмани янада ривожлантириш, хизмат кўрсатишни янги сифат даражасига кўтариш масалалари илмий жиҳатдан ҳал этишни тақозо этмоқда. Қолаверса, етиштирилаётган маҳсулотларнинг нобудгарчилигини олдини олиш, ҳажмини ва турларини кўпайтириш учун ишлаб чиқариш, қайта ишлаш ва сотишга ихтисослашган кооперация тамойилларига асосланган фермер хўжаликлари иштирокидаги агрофирмаларни ташкил этишга катта эҳтиёж туғилмоқда. Айни пайтда, фермер хўжаликлари фаолиятини бошқариш ва қарорлар қабул қилиш масъулияти ошмоқда. Шу боис, бугунги фермер ўз касбини мукамал эгаллаган, бошқариш қоидаларини, маданиятини ва усулларини яхши ўзлаштириб олган тадбиркор бўлмоғи, ишлаб чиқаришни илмий нуқтаи назардан бошқармоғи лозим. Ушбу вазифаларнинг илмий-услубий ечимларини топиш мазкур ишнинг мақсади ва вазифалари доирасини белгилаб берди.

**Диссертация ишининг илмий-тадқиқот ишлари режалари билан боғлиқлиги.** Диссертация иши Ўзбекистон Республикаси Давлат мулки кўмитаси Тадқиқотлар маркази ва Тошкент давлат иқтисодиёт университети илмий-тадқиқот ишлари режаси доирасида бажарилган.

**Тадқиқотнинг мақсади** - фермер хўжалиқларининг ишлаб чиқариш кооперациясини ташкил этиш ҳамда уларга хизмат кўрсатувчи бозор инфратузилмалари ривожланишини бошқаришни такомиллаштириш бўйича илмий-услубий тавсиялар ва амалий таклифлар ишлаб чиқишдан иборат.

**Тадқиқотнинг вазифалари.** Ушбу мақсадни амалга ошириш учун қуйидагилар тадқиқот вазифалари этиб белгиланди:

- фермер хўжаликлари фаолиятини бошқаришнинг ўзига<sup>4</sup> хос хусусиятлари ва тамойилларини асослаш;

- фермер хўжалиқларини бошқаришнинг ҳуқуқий-меъёрий асосларини тадқиқот қилиш ва уни такомиллаштириш бўйича таклифлар ишлаб чиқиш;

- фермер хўжалиқларида маҳсулотни тайёрлаш, қайта ишлаш, сотишни амалга оширувчи ҳудудий бирлашмаларнинг ташкилий тузилмаларини ва уларнинг фаолият кўрсатиш механизминини ишлаб чиқиш;

- истиқболда фермер хўжалиқларига хизмат кўрсатувчи ишлаб чиқариш ва бозор инфратузилмаларининг ривожланиш вариантларини ва уларда банд бўладиган ишчилар сонини прогноз қилиш;

- фермерларга хизмат кўрсатадиган инфратузилмаларнинг самарали фаолият кўрсатишига оид тавсия ва таклифлар ишлаб чиқиш.

**Тадқиқот объекти.** Ўзбекистонда фаолият юритаётган фермер хўжаликлари ва уларга хизмат кўрсатаётган инфратузилма муассасалари тадқиқот объекти ҳисобланади.

**Тадқиқот предмети.** Фермер хўжаликлари фаолиятини ва

ривожланишини бошқариш жараёнлари ҳамда уларнинг бозор инфратузилма муассасалари билан ўзаро иқтисодий муносабатлари тадқиқот предмети ҳисобланади.

**Тадқиқот усуллари.** Тадқиқот жараёнида тизимли таҳлил, вазиятли ва функционал ёндашув, эксперт баҳолаш, статистик гуруҳлаш, монографик кузатиш, моделлаштириш ва бошқа усуллардан фойдаланилган.

**Ҳимояга олиб чиқиладиган асосий ҳолатлар:**

- фермер хўжалиklarини бошқаришга тизимли ёндашиш тамойиллари;
- фермер хўжалиklarи кооперациясининг ҳудудий бошқарув тузилмалари ва уларнинг фаолият юритиш механизмлари;
- фермер хўжалиklarи ва уларга хизмат кўрсатувчи ишлаб чиқариш ва бозор инфратузилмаларини ривожлантиришнинг прогноз вариантлари ва уларни амалга ошириш алгоритмлари;
- фермер хўжалиklarига хизмат кўрсатувчи инфратузилмаларнинг иқтисодий самарадорлигини ошириш йўллари.

**Тадқиқот натижаларининг илмий янгиллиги:**

- фермер хўжалиklarи фаолиятини бошқаришнинг ички ва ташқи омиллари ўрганилган ҳамда улар ўртасидаги ўзаро алоқадорлик ва ўзаро таъсири илмий жиҳатдан асослаб берилган;
- фермер хўжалиklarи ривожланишини давлат томонидан тартибга солиш ва қўллаб-қувватлашнинг ҳуқуқий асосларини такомиллаштириш йўллари белгиланган;
- хорижий мамлакатлардаги фермер хўжалиklarи фаолияти, уларда ишлаб чиқариш кооперациясини ташкил этиш ва бошқариш шакллари ўрганилган ва уларни республикамиз шароитида қўллаш бўйича тавсиялар асосланган;
- фермер хўжалиklarи ишлаб чиқариш ва хизмат кўрсатиш кооперациясининг ҳудудий бошқарув тузилмалари ва уларнинг фаолият юритиш механизмлари ишлаб чиқилган;
- бозор инфратузилмалари хизматига талабнинг ўсиб боришини инобатга олган ҳолда истиқболда ташкил этилиши лозим бўлган инфратузилма объектларининг сони ва жойлашиши, ишчи кучи бандлигининг прогноз вариантлари асосланган;
- фермер хўжалиklarига хизмат кўрсатадиган бозор инфратузилма объектлари фаолияти самарадорлигини ошириш йўллари таклиф этилган.

**Тадқиқот натижаларининг илмий ва амалий аҳамияти.** Илмий ишнинг тадқиқот натижалари фермер хўжалиklarи бошқарувининг илмий-назарий жиҳатларини бойитишга хизмат қилади. Тадқиқот натижасида ишлаб чиқилган таклифлар ва ишланмалар амалиётда фермер хўжалиklarи кооперациясини ташкил этиш ва ривожлантиришнинг қонунчилик базасини такомиллаштириш; фермер хўжалиklarи ихтисослашган уюшма (бирлашма)ларини ташкил этиш; фермер хўжалиklarини ташкил этиш ва қўллаб-қувватлаш институтларининг самарали фаолият кўрсатиши учун моддий-техника, меҳнат ва бошқа ресурслардан унумли фойдаланиш; истиқболда фермер хўжалиklarи ва уларга хизмат кўрсатувчи бозор

инфратузилмаларини ташкил этиш ва ривожлантириш, уларнинг самарадорлигини оширишда фойдаланиш мумкин.

**Натижаларнинг жорий қилиниши.** Диссертациянинг услубий ишланмалари ва амалий таклифлари ЎЗР Қишлоқ ва сув хўжалиги вазирлиги (№ 15/18-562 25.12.2007 й.) ва ЎЗР Давлат мулки қўмитаси Тадқиқотлар маркази (№25-01/21 5.01.2009 й.) томонидан амалиётга жорий этиш учун қабул қилинган.

Шунингдек, диссертациянинг асосий натижалари Ўзбекистон Республикаси Давлат мулки қўмитаси тадқиқотлар маркази ва Тошкент давлат иқтисодиёт университети қошидаги Институционал ва иқтисодий тадқиқотлар марказининг илмий ҳисоботларига киритилган.

**Ишнинг синондан ўтиши.** Диссертациянинг асосий хулоса ва натижалари “Ижтимоий иқтисодий ривожланиш механизмини такомиллаштириш” (Самарқанд ш., 27-29 март 2001 й.), “Математик моделлаштириш ва ҳисоблаш эксперименти” (Тошкент ш., Кибернетика институти, 25-27 март 2002 й.), “Иқтисодиётни эркинлаштириш ва аграр ислохотларни чуқурлаштириш шароитида дехқон хўжалиқларини ривожлантириш муаммолари” (Тошкент ш., Бозор ислохотлари ИТИ, 23-24 май 2003 й.), “Бозор иқтисодиёти шароитида қишлоқ хўжалигини барқарор ривожлантириш муаммолари” (Тошкент ш., Бозор ислохотлари ИТИ, 20-21 октябрь 2003 й.), “Бозор иқтисодиёти шароитида қишлоқ хўжалигида ресурслардан фойдаланиш самарадорлигини ошириш” (Тошкент ш., Бозор ислохотлари ИТИ, 21-22 май 2004 й.), “Фермер хўжалиқларини ривожлантириш Концепцияси, қонунчиликни такомиллаштириш ва республикада фермерликни ривожлантириш истикболлари” (Тошкент ш., ЎЗР Олий Мажлиси Сенати, июль 2005 й.), “Кадрлар тайёрлаш тизимида – аграр таълим, фан ва ишлаб чиқариш интеграцияси” (Тошкент ш., ТошДАУ, 2006 й.), “Бозор муносабатларини ривожлантириш шароитида қишлоқда инфратузилма объектларини ташкил этиш ва ривожлантиришнинг устувор йўналишлари” (Тошкент ш., Бозор ислохотлари ИТИ, 14-15 ноябрь 2007 й.), “Ер ва сув ресурслардан фойдаланишда бозор муносабатларини шакллантиришнинг иқтисодий муаммолари” (Тошкент ш., ТИМИ, 23-24 ноябрь 2007 й.), “Ўзбекистон иқтисодиёти: эришилган ютуқлар, муаммолар ва ривожланиш истикболлари” (Тошкент ш., ТДИУ, 22 ноябрь 2008 й.), “Аграр иқтисодиёт тармоқларида кооперация жараёнини ривожлантиришнинг асосий йўналишлари” (Тошкент ш., Бозор ислохотлари ИТИ, 2009 й.), “Қишлоқ тараққиёти ва аҳоли турмуш даражасини оширишда банк-молия тизимининг ўрни” (Тошкент ш., ЎЗР БМА, 25 сентябрь 2009 й.), “Управление земельно-имущественными отношениями” (г.Пенза, Пензенский государственный университет архитектуры и строительства, 18-19 ноябрь 2009 г.) мавзулари бўйича бўлиб ўтган халқаро, республика илмий ҳамда илмий-амалий анжуманларида маъруза қилинган ва ижобий баҳоланган.

Шунингдек, диссертация иши ЎЗР Давлат мулки қўмитаси Тадқиқотлар марказининг Илмий кенгаш мажлисида (Протокол №5 от 17.12.2008 г.), Самарқанд қишлоқ хўжалиги институтининг Иқтисодиёт ва бошқарув

факультети “Қишлоқ хўжалиги иқтисоди ва бошқарув кафедраси”нинг кенгайтирилган йиғилиши (2009 йил 5 мартдаги 7-сонли баённома) ҳамда Тошкент давлат иқтисодиёт университети хузуридаги Д 067.06.01 - рақамли Ихтисослашган кенгаш қошидаги 08.00.13 – “Менежмент ва маркетинг” ихтисослиги бўйича илмий семинарда (2009 йил 17 июндаги 12-сонли баённома) муҳокама этилиб, ҳимояга тавсия этилган.

**Натижаларнинг эълон қилинганлиги.** Тадқиқот натижалари бўйича 13,3 босма табоқ ҳажмда 23 та илмий ишлар, шу жумладан 6 та журналларда, 14 та илмий анжуман тўпламларида мақолалар ва маъруза тезислари ҳамда 3 та илмий оммабоп ва ўқув қўлланмалари чоп этилган.

**Диссертациянинг тузилиши ва ҳажми.** Диссертация иши таркибан кириш, учта боб, хулоса, фойдаланилган адабиётлар рўйхати ва иловалардан иборат, умумий ҳажми 160 бет бўлиб, 17 та жадвал, 12 та расм, 167 номдаги фойдаланилган адабиётлар рўйхати ва 5 та иловани ўз ичига олган.

Диссертациянинг **кириш** қисмида мавзунинг долзарблиги, мақсади ва вазибалари асосланган, тадқиқот объекти ва предмети танланган.

Диссертациянинг **“Фермер хўжалиқларини бошқаришнинг илмий-услубий асослари”** деб номланган биринчи бобида фермер хўжалиқларини бошқаришга тизимли ёндашишнинг зарурлиги ва унинг назарий жиҳатлари ўрганилган ҳамда бошқаришнинг ўзига хос хусусиятлари ва тамойиллари илмий асосланган. Шу билан бирга, фермер хўжалиқларини ривожлантиришни давлат томонидан тартибга солиш ва бошқаришнинг ташкилий-иқтисодий механизмлари таҳлил қилинган ҳамда уларни такомиллаштириш бўйича тавсиялар берилган.

Диссертациянинг **“Фермер хўжалиқларининг ишлаб чиқариш ва хизмат кўрсатиш кооперациясининг ташкилий тузилмалари”** деб номланган иккинчи бобида Ўзбекистон аграр иқтисодиётида фермер хўжалиқларининг ривожланиш босқичлари таҳлил қилинган, бошқаришни такомиллаштириш имкониятлари аниқланган, фермер хўжалиқлари кооперациясини ташкил этиш ва бошқариш бўйича хорижий мамлакатлар тажрибаси ўрганилган ҳамда ривож топган кооперация шаклларини Ўзбекистон фермер хўжалиқлари фаолиятини ривожлантиришда қўллаш бўйича тавсиялар берилган. Шунингдек, кооперация тамойилларига асосланган фермер хўжалиқлари уюшмалари бошқарувининг ҳудудий ташкилий тузилмалари ва фаолият юритиш механизмлари ишлаб чиқилган.

Диссертациянинг **“Фермер хўжалиқларига хизмат кўрсатувчи ишлаб чиқариш ва бозор инфратузилмаларининг ривожланиш истиқболлари”** деб номланган учинчи бобида бозор инфратузилмаларининг қишлоқ хўжалигидаги ўрни ўрганилган, фермер хўжалиқларига хизмат кўрсатишнинг ҳозирги ҳолати таҳлил қилинган, бозор инфратузилмаларининг самарали фаолият юритишини таъминлаб берувчи кўрсаткичлар аниқланган ва улар асосида истиқболда бозор инфратузилмаларини ва янги иш ўринларини ташкил этишнинг прогноз вариантлари асосланган. Шунингдек, инфратузилма муассасаларини фермер хўжалиқлари билан ўзаро иқтисодий муносабатларини такомиллаштириш бўйича тавсия ва таклифлар берилган.



Диссертациянинг якуний қисмида тадқиқот натижаларидан келиб чиққан ҳолда хулоса ва таклифлар берилган.

## ДИССЕРТАЦИЯНИНГ АСОСИЙ МАЗМУНИ

Оламда барча жараёнлар тизим сифатида мавжуд ва ривож топади. Улар сон жиҳатдан кўп ва турфа хил бўлиб, учта - биологик, табиий, ижтимоий-иқтисодий тизимларга бўлинади. Ижтимоий-иқтисодий тизимда фермер хўжалигининг тутган ўрни алоҳида эътиборга лойиқдир. Фермер хўжалиги ишлаб чиқариш тизимининг моддий асосини ижарадаги ер ва хусусий мулкчиликдаги бошқа ишлаб чиқариш воситалари ташкил этади. Бу тизимнинг яна бир ўзига хос хусусияти – тадбиркорлик фаолиятининг эркинлиги ва мустақил фаолият юритишидир.

Фермер хўжалигининг ички тизими техник, технологик ва ишлаб чиқаришни, меҳнатни ташкил этиш, иқтисодий тизимлардан ташкил топган бўлади. Барча тизим унсурлари ўзаро бир-бирига боғлиқдир. Уларнинг биргаликдаги ҳаракати хўжаликнинг ягона тизим тарзида мавжудлигини кўрсатади. Бозор иқтисодиёти шароитида ҳар бир корхона, ташкилот очик тизим кўринишида фаолият кўрсатади. Хусусан, фермер хўжалиги ҳам бундан мустасно эмас. Сабаби фермер хўжалигининг истиқболлини ва ривож топишини кооперацияга асосланган уюшма (бирлашма), агрофирмалар ва турли хизматлар кўрсатувчи бозор инфратузилмаларисиз тасаввур этиш қийин. Уларни фермер хўжалиги фаолиятига таъсир этувчи ташки тизим деб караш мумкин (1-расм).



1-расм. Фермер хўжалиги ишлаб чиқариш фаолиятини бошқаришнинг ички ва ташки тизимлари\*

\* Муаллиф томонидан ишлаб чиқилган

Аммо фермер хўжаликлари фаолиятига таъсир этувчи бошқа тизимлар ҳам мавжуд. Хусусан, солиқ, экологик, демографик ва бошқалар. Ушбу тизимларни инкор этмаган ҳолда муаллиф тадқиқот жараёнида асосан кооперация ва хизмат кўрсатувчи бозор инфратузилмалари фаолиятини ўрганишни мақсад қилиб қўйган.

Мамлакатимизда фермер хўжаликлари фаолиятини тартибга солиш ва бошқаришнинг ҳуқуқий-меъёрий асослари босқичма-босқич яратилиб, жорий этилмоқда. Хусусан, фермер хўжалиklarининг иқтисодий ва молиявий мустақиллигини таъминлаш, ижарага берилган ердан самарали фойдаланиш, кишлоқ хўжалик маҳсулотларини ишлаб чиқариш жараёнини молиялашнинг



## Ўзбекистонда фермер хўжалиklarининг ривожланиш боскичлари\*

Кўрсаткичлар	Боскичлар			
	I	II	III	IV
Фермер хўжалиklари сони, минг бирлик	21,4	72,4	217,1	105,0
Бириктирилган ер майдони, минг га	413,3	1591,7	5787,8	5860,1
Ишчилар сони, минг киши	134,4	461,9	1621,4	1710,2
Битта фермер хўжалигига тўғри келадиган ўрғача ер майдони, га	19,3	22,0	26,7	56
Битта фермер хўжалигида ўрғача ишчилар сони, киши	6,3	6,4	7,5	7,8

Изоҳ: дастлабки учта боскич кўрсаткичлари унинг якуни бўйича, тўртинчи боскич эса 1.01.2009 йил ҳолати бўйича берилган.

\* Жадвал Ўзбекистон Республикаси Давлат статистика кўмитаси маълумотлари асосида тузилган

Жадвал маълумотларидан кўриниб турибдики, дастлабки уч боскичда фермер хўжалиklари сони кескин ўсиб борган. Бу уларга бириктирилган ер майдони кўпайиши ҳисобига эришилган, яъни ўсиш экстенсив йўл билан амалга оширилган. Кейинги тўртинчи боскичда эса фермер хўжалиklarининг сони 2007 йилга нисбатан деярли 2,1 мартага камайган. Бу фермер хўжалиklари ер майдонларининг оптималлаштириш жараёни натижасида рўй берган, яъни йириклашув орқали сифат боскичига қадам қўйилган.

Таҳлиллар шундан далолат берадики, фаолият кўрсатаётган фермер хўжалиklари ўтган йиллар мобайнида маълум ижтимоий-иқтисодий ютуқларга эришди. “2008 йилда фермер хўжалиklarининг пахта етиштиришдаги улуши 99,1 фоизни, ғалла тайёрлашда эса 79,2 фоизни ташкил қилди.<sup>9</sup>”. Шунингдек, 2008 йилда фаолият кўрсатаётган фермер хўжалиklари томонидан республикамиздаги 16,2 фоиз картошка, 32,9 фоиз сабзавот, ва 47,1 фоиз полиз маҳсулотлари етиштирилган. Таъкидлаш жоизки, 2003 йилда фермер хўжалиklари томонидан 37,8 фоиз пахта, 35,7 фоиз ғалла, 3,8 фоиз картошка, 10,6 фоиз сабзавот ва 30,3 фоиз полиз маҳсулотлари ишлаб чиқарилган эди.<sup>10</sup>

Юқоридаги таҳлиллар асосида қуйидаги хулосани қилишимиз мумкин: биринчидан, фермер хўжалиklarининг ишлаб чиқариш салоҳияти ошиши қишлоқ аҳолисини иш билан таъминлаш ва уларнинг даромадлари кўпайишига ўзининг ижобий таъсирини кўрсатмоқда; иккинчидан, мулкдан самарали фойдаланиш ва оқилона хўжалик юритиш тажрибаси ошиб бормоқда, экинлар ҳосилдорлиги ўсиб, ялпи маҳсулот ишлаб чиқариш ва даромади кўпаймоқда; учинчидан, қишлоқ хўжалигида фермер хўжалиklarининг мавқеи ўсиб, тобора мустақамланиб бормоқда. Булар қишлоқда хусусий мулкдорлар қатламини шаклланишини фаоллаштирмоқда.

Шу билан бир қаторда, фермер хўжалиklarининг истикболда ривожланиши кўп жиҳатдан уларни қўллаб-қувватловчи, ишлаб чиқарилган маҳсулотни қайта ишлаш, сақлаш ва сотишга кўмаклашувчи кооперация

<sup>9</sup> Каримов И.А. Жаҳон молиявий-иқтисодий инқирози, Ўзбекистон шароитида уни бартараф этишнинг йўллари ва чоралари. – Т.: Ўзбекистон, 2009. – 22 б.

<sup>10</sup> Ўзбекистон Республикаси Давлат статистика кўмитаси маълумотлари.

тамоийлларига асосланган тузилмаларни, жумладан уюшма (бирлашма)лар ёки агрофирмаларни ташкил этишга боғлиқдир.

Шуни инобатга олиб, диссертацияда ривожланган хорижий мамлакатларда фермер хўжаликлари кооперацияларини ташкил этиш тажрибалари ўрганилди. Таҳлиллар кўрсатадики, кўплаб хорижий мамлакатларда фермер хўжаликлари миллий иқтисодиётнинг муҳим таркибий қисми бўлиб, уни ривожлантириш давлат иқтисодий сиёсатининг устувор йўналиши ҳисобланади.

Масалан, Германияда 4,2 мингдан ортиқ мустақил товар ишлаб чиқарувчи, қайта ишловчи ва хизмат кўрсатувчи ҳуқуқий мақомга эга кооперативлар Фридрих Вильгельм Райффайзен тамойили асосида фаолият кўрсатиб келмоқда<sup>11</sup>. Райффайзен тамойили – ўзаро ёрдам, қўллаб-қувватлаш, ўз-ўзини бошқариш, натижа учун жамоа масъулияти, рақобат қобилиятини сақлаб қолиш қабиларни ўз ичига олади. Мамлакатдаги деярли барча фермерлар ушбу тамойилни тан олган ҳолда бир ёки бир неча кооперативларнинг аъзолари ҳисобланади. Ҳозирги пайтда Райффайзен кооперативлари ҳомийлик қилиш, махсулот турларини кўпайтириш, фермер хўжаликларига хизмат қилишни янада яхшилаш, истеъмолчиларни харидоргир сифатли махсулотлар билан таъминлаш йўналишида фаолият кўрсатмоқда.

Канада давлатининг аграр сиёсати ҳам товар ишлаб чиқарувчиларнинг қайта ишлаш, улгуржи, баъзида чакана савдо соҳасида бирлашишларига қаратилган<sup>12</sup>. Ҳозирги пайтда ушбу кооперациялар ҳуқуқий асосга эга бўлиб, товар ишлаб чиқарувчилар фаолиятининг умумий тан олинган ҳаётий меъёрларига айланган.

Хорижий мамлакатларда фермер хўжаликларини моддий-техника ресурслари билан таъминлашга ихтисослашган кооперативлар ҳам ривож топган. Европа Иттифоқи мамлакатларида қишлоқ хўжалиги товар ишлаб чиқарувчиларини ишлаб чиқариш воситалари билан таъминлашнинг 50 %, Скандинавия давлатлари (Швеция, Норвегия, Финляндия)да - 60 %, АҚШда - 26 % кооперативлар улушига тўғри келади. Умуман олганда чет мамлакатларда фермер хўжаликларининг кооперацияларга бирлашиши анъанага айланган ва бу ўз самарасини бермоқда (2-жадвал).

2-жадвал.

Хорижий мамлакатлар қишлоқ хўжалигида кооперациянинг ўрни\*

Кўрсаткичлар	Ғарбий Европа	АҚШ	Канада	Австралия	Скандинавия давлатлари	Япония	Хитой
Кооперация асосида бирлашган фермерларнинг салмоғи, %	60-80	60-80	60-80	60-80	деярли ҳамма	деярли ҳамма	80
Қишлоқ хўжалиги махсулотларини ишлаб чиқаришда кооперациянинг салмоғи, %	60	86	85	60	85	90	65

\* Муаллиф томонидан турли манбалардан олинган маълумотлар асосида тузилган

<sup>11</sup> Ткач А.В. Сельскохозяйственная кооперация.: Учебное пособие. – 3-е изд., испр. и доп. – М.: Издательско-торговая корпорация «Дашков и К°», 2005. – С. 285-287.

<sup>12</sup> Ўша ерда: 273 б.

Бу эса кооперациянинг нақадар зарурлигини ва унинг жамиятдаги ўрни ва аҳамияти беқиёс эканлигини кўрсатиб турибди.

Шу билан бирга, таъкидлаш ўринлики, ҳеч бир фермер маҳсулот етиштириш, уни сотиш ва сақлаш муаммоларини мустақил ҳал этишга қодир эмас. Фермер хўжаликлари маҳсулотларини сотишни ташкил этиш таҳлиллари шуни кўрсатдики, Ўзбекистонда савдо ва воситачилик хизмати яхши йўлга қўйилмаганлиги, фермер хўжалиklarининг барқарор сотиш каналларига эга эмаслиги, ортиқча вақт ва маблағ сарфлаш каби муаммоларни юзага келтирмоқда. Ана шулардан келиб чиққан ҳолда, хорижий тажрибаларни ҳисобга олиб, муаллиф кооперацияга асосланган ихтисослашган фермер хўжаликлари уюшмаларининг ҳудудий бошқарув тузилмаларини ташкил этишни тавсия этади.

Ўқорида таъкидланганидек, фермер хўжалиklarида тез бузулувчи, махсус транспортда ташиш имконияти чекланган маҳсулотларни ишлаб чиқариш ҳажми кўпаймоқда. Шунини ҳисобга олиб, илмий ишда тез бузулувчи деҳқончилик маҳсулотларини ишлаб чиқиш, қайта ишлаш ва сотишга ихтисослашган кооперацияга асосланган фермер хўжалиklarи уюшмаси бошқарувининг ташкилий тузилмаси таклиф этилган (2-расм).




2-расм. Ҳудудда деҳқончилик маҳсулотларини ишлаб чиқиш, қайта ишлаш ва сотишга ихтисослашган фермер хўжалиklarи кооперациясига асосланган уюшма бошқарувининг ташкилий тузилмаси\*

\* Муаллиф томонидан ишлаб чиқилган

Ушбу ташкилий тузилма унинг таркибига кирган барча бошқарув бўғинларининг ташкилий-иқтисодий ва технологик жиҳатдан ўзаро алоқдорлигини таъминлайди, бўлинмалар вазифалари сони ва чегарасини аниқлайди, чизикли ва функционал бошқарув ўртасидаги мутаносибликни сақлайди, алоҳида олинган бўлинмалар ҳуқуқи, мажбурияти, вазифаларини аниқ белгилайди ва уюшма фаолиятини мувофиқлаштиради ҳамда ягона мақсадга йўналтиради.

Қишлоқ аҳолисини иш билан бандлигини, истеъмол бозорини хилма-хил қорвачилик маҳсулотлари билан таъминлаш мақсадида қайта ишловчи корхоналарни ташкил этишни жадаллаштириш долзарб муаммо бўлиб қолмоқда. Президентимиз И.Каримов ўзининг жаҳон молиявий-иқтисодий инкирозига бағишланган асарида<sup>13</sup> гўшт ва сутни қайта ишлашга ихтисослашган микрофирма ва кичик корхоналарни қўллаб-қувватлашга катта эътибор беришни алоҳида таъкидлаб ўтганлар. Шуни ҳисобга олиб, диссертацияда сут маҳсулотларини қайта ишлаш бўйича фермер хўжаликлари уюшмасининг ҳудудий ташкилий тузилмаси ишлаб чиқилган. Ушбу илмий ишланма мамлакатимиз минтақаларида ҳудудий уюшмаларни ташкил этишда амалий-услубий қўлланма вазифасини бажариши мумкин.

Диссертацияда шунингдек қишлоқ хўжалиги техникасини олди-сотдиси, қайта тиклаш ва сотишдан кейин ундан фойдаланишга ихтисослашган фермер хўжаликлари уюшмаси бошқарувининг ташкилий тузилмаси ишлаб чиқилган (3-расм). Ушбу ташкилий тузилма фермер хўжаликларини (айниқса паст рентабелли ва ўз фаолиятини энди бошлаётган) техник таъминотини оширишнинг муҳим омили ва зарур шarti ҳисобланади. Бундай тузилманинг ҳудудларда ташкил этилиши фермер хўжаликлари ва бошқа қишлоқ хўжалиги ишлаб чиқарувчиларининг техникани сотиб олиш учун қилинадиган харажатларини сезиларли даражада камайтиришга имкон беради.



**3-расм. Қишлоқ хўжалиги техникасини сотиб олиш ва сотиш, қайта тиклаш ва сотишдан кейин уларга хизмат кўрсатиш бўйича фермер хўжаликлари уюшмаси бошқарувининг ташкилий тузилмаси\***

\* Муаллиф томонидан ишлаб чиқилган

Қишлоқ жойларида юқорида тавсия этилган кооперация тамойилларига асосланган фермер хўжаликлари ҳудудий уюшмаларини ташкил этиш ва уни ривожлантириш қишлоқ хўжалиги ишлаб чиқариш самарадорлигини оширишда янги имкониятларни очиб беради ва унинг иқтисодий ўсишини таъминлашга замин яратади.

<sup>13</sup> Каримов И.А. Жаҳон молиявий-иқтисодий инкирози, Ўзбекистон шаронтида уни бартараф этишнинг йўллари ва чоралари. – Т.: Ўзбекистон, 2009. – 35 б.

Шуни айтиб ўтиш жоизки, Ўзбекистонда фермер хўжаликлари Республика фермер хўжаликлари уюшмасининг аъзоси ҳисобланади. Ушбу уюшма ўз аъзоларининг қонуний манфаатларини ҳимоя қилиш, ишлаб чиқариш ва таъминот фаолиятини қўллаб-қувватлаш каби хизматларни амалга оширади. Республикада ушбу ташкилотдан ташқари фермер хўжаликларига маҳсулот ишлаб чиқариш, қайта ишлаш ва сотиш жараёнида турли тоифадаги (ишлаб чиқариш, ижтимоий ва бозор инфратузилмалари соҳасидаги) корхона ва ташкилотлар хизмат кўрсатади. Аммо, уларнинг ичида ишлаб чиқариш ва бозор инфратузилмалари фермер хўжаликлари ривожланишида муҳим аҳамиятга эга, чунки улар бозор муносабатларининг шаклланишини таъминлашда пойдевор хизматини ўтади.

Таҳлиллар шуни кўрсатадики, 2008 йилда республикада фаолият кўрсатаётган фермер хўжаликларига хизмат кўрсатувчи бозор инфратузилмалари шохобчаларининг сони 10 мингдан ортиқни ташкил этган. Бу фермер хўжалиklarининг самарали фаолият юритиши ва истикболда барқарор ривож топишига кўмак беради. Шу билан бир вақтда, мамлакатимиз Президенти И.Каримов таъкидлаб ўтганларидек, “Қишлоқ жойлардаги мавжуд инфратузилмани яна бир бор танқидий баҳолаб, уни кенгайтириш бўйича кўшимча маблаг ва имкониятлар топиш зарур.<sup>14</sup>” Тадқиқот натижалари шуни кўрсатадики, инфратузилма объектларини ташкил этиш ва уларнинг иқтисодий муносабатлари борасида муаммолар мавжуд. Жумладан, инфратузилмалар сони, улар кўрсатаётган хизматлар ҳажми ўртасида номутаносибликлар кузатилади ва шу билан бирга инфратузилма муассасалари билан фермер хўжаликлари ўртасидаги иқтисодий муносабатлар такомиллашмаган. Улар нафақат фермер хўжаликлари фаолиятига салбий таъсир кўрсатиб қолмасдан, балки ташкил этилаётган инфратузилма объектларининг иқтисодий (молиявий) жиҳатдан заифлигига сабаб бўлмоқда. Шуни инобатга олиб, диссертацияда фермер хўжаликларига хизмат кўрсатадиган инфратузилма объектларига бўлган кўшимча талаб прогноз қилиниб, уларнинг самарадорлигини ошириш бўйича тавсиялар берилган.

Маълумки, машина-трактор парк (МТП) фермер хўжаликларига хизмат кўрсатувчи асосий инфратузилма муассасаси ҳисобланади. Паркнинг таркиби ер ҳайдаш, экиш, экинлар қатор ораларига ишлов бериш, ҳосилни йиғиштириб олиш каби агротехник тадбирларни бажаришга қодир бўлган техник воситалардан иборат бўлади. Мазкур ташкилот билан фермер хўжаликлари ўртасидаги иқтисодий муносабатлар шартнома тузиш орқали олиб борилади. Фермер хўжаликларига техник хизмат кўрсатиш бўйича рақобат муҳитини яратиш, ушбу тизим фаолиятини янада жонлантириш, сифатли хизмат кўрсатишга йўл очиб беради. Аммо ташкил этилган МТПлари жойлашиш талаб даражасида эмас. Бу уларнинг фаолияти самарадорлиги пастлиги, яъни шартномада кўрсатилган хизматни вақтида ва тўлиқ ҳажмда (амалда 95,4 %) бажаришини таъминлай олмасликда намоён бўлмоқда. Бунинг асосий

<sup>14</sup> Каримов И.А. Жаҳон молиявий-иқтисодий инкирози, Ўзбекистон шароитида уни бартараф этишнинг йўллари ва чоралари. – Т.: Ўзбекистон, 2009. – 44 б.

сабабларидан бири туман миқёсида МТПлар ўртасида рақобат муҳитини юзага келтирувчи асосий шарт, яъни МТПлар сони ва улардаги техника таркиби агротехнологик ишлар ҳажмига мос келмаслиги ҳисобланади.

Шуни ҳисобга олиб, мамлакатимиз ҳудудларида фермер хўжаликлари ер майдонларининг йириклаштирилишини, агротехник ишловни талаб этувчи майдонлар ва фермер хўжаликлари сонининг ўзгаришини инobatга олиб, диссертацияда фермер хўжаликларига хизмат кўрсатувчи муқобил МТПларининг 2012 ва 2015 йилларда талаб этиладиган сони прогноз қилинган.

Бунинг учун илмий ишда прогноз вариантларини амалга ошириш учун услубий ёндашув ва ҳисоб-китоблар алгоритмлари ишлаб чиқилган. Прогноз вариантлари фермер хўжаликлари сони ва уларга кўрсатиладиган хизматлар ҳажмининг куйи ва юқори чегараларининг ўзгаришига асосланади.

Фермер хўжаликларига хизмат кўрсатувчи ММТП сонини куйидаги формула ёрдамида прогноз қилиш мумкин:

$$Nn_{\text{ММТП}} = \kappa_{\text{ММТП}} * \kappa_1 * Na_{\text{ММТП}}, \quad (1)$$

бу ерда  $Nn_{\text{ММТП}}$  – ММТПнинг сони (ҳудудлар бўйича);  $\kappa_{\text{ММТП}}$  – 1та ММТПнинг хизмат кўрсатиш майдонининг ўзгариш коэффициентини (ҳудудлар бўйича) ( $\kappa_{\text{ММТП}} = V_{\text{ММТПн.ххкм}} / V_{\text{ММТПн.охкм}}$ );  $\kappa_1$  – фермер хўжаликлари сонининг ўзгариш коэффициентини (ҳудудлар бўйича) ( $\kappa_1 = Nu_{\text{фхс}} / Na_{\text{фхс}}$ );  $V_{\text{ММТПн.ххкм}}$  – 1та ММТП хизмат кўрсатадиган ўртача майдони, минг га;  $V_{\text{ММТПн.охкм}}$  – 1та ММТП хизмат кўрсатишининг оптимал майдони, минг га;  $Nu_{\text{фхс}}(Na_{\text{фхс}})$  – истикболдаги (амалдаги) фермер хўжаликлари сони, бирл.;  $Na_{\text{ММТП}}$  – мавжуд ММТПлар сони (ҳудудлар бўйича).

Ушбу формулалар ёрдамида республика ҳудудлари бўйича фермер хўжаликларига агротехник хизматларини кўрсатувчи ММТПларининг истикболдаги умумий сони ва уларнинг ҳудудий жойлашув прогноз вариантлари ҳисобланган (3-жадвал).

3-жадвал.

Ўзбекистон Республикаси ҳудудлари бўйича муқобил машина-трактор парклари (ММТП) сонининг прогноз вариантлари\*

Ҳудудлар	ММТПлар сони (2008 й.)	2012 йил		2015 йил	
		I-вариант	II-вариант	I-вариант	II-вариант
Қорақолпоғистон Р.	134	143	144	144	147
Андижон вилояти	183	193	196	194	198
Бухоро вилояти	145	157	158	157	159
Жиззах вилояти	5	6	8	6	8
Қашқадарё вилояти	197	209	210	209	212
Навой вилояти	52	58	59	58	60
Наманган вилояти	139	148	150	149	152
Самарқанд вилояти	241	255	258	256	260
Сурхондарё вилояти	118	127	131	129	135
Сирдарё вилояти	91	103	104	103	104
Тошкент вилояти	193	213	215	214	218
Фарғона вилояти	171	181	182	181	183
Хоразм вилояти	108	114	115	114	116
<b>Республика бўйича</b>	<b>1777</b>	<b>1907</b>	<b>1930</b>	<b>1914</b>	<b>1952</b>

\* Жадвал муаллиф ҳисоб-китоблари асосида тузилган



Ҳисобларга кўра, республика бўйича 2012 йилда 130 тадан 153 тагача, 2015 йилга бориб эса 137 тадан 175 тагача қўшимча ММТП ташкил этиш талаб этилади. Бу ММТПлар томонидан фермер хўжаликларига ўз вақтида агротехник хизматларни кўрсатишга ёрдам беради.

Шуни таъкидлаш ўринлики, мамлакатимизда қабул қилинган қишлоқ тараққиёти ва фаровонлиги йили Давлат дастурида<sup>15</sup> жойларда фермер хўжаликларига консалтинг, бухгалтерия, ахборот-маслаҳат ва бошқа хизмат кўрсатиш марказларини ташкил этиш вазифалари белгиланган. Бундай марказлар фермер хўжаликларини бозор ҳақида ахборотлар билан таъминлаш, бизнес-режани ишлаб чиқишда кўмаклашиш, хўжаликлар иқтисодий фаолиятини аудит қилиш ва баҳолаш каби кенг камровли хизматлар мажмуини бажаради.

Шуни инобатга олиб, диссертацияда ушбу муассасалар ҳудудий жойлашуви таҳлил қилинган ва истиқболда қўшимча ташкил этилиши лозим бўлган ахборот таъминоти ва консалтинг хизмати шохобчаларига талаб прогноз қилинган. Унинг учун қуйидаги формуладан фойдаланилган:

$$Nn_{амк} = \kappa_{амк1} * \kappa_{амк2} * \kappa_1 * \kappa_2 * Na_{амк}, \quad (2)$$

бу ерда,  $Nn_{амк}$  – ахборот таъминоти ва консалтинг хизмати шохобчалари сони (ҳудудлар бўйича);  $\kappa_{амк1}$  – ахборот таъминоти ва консалтинг хизмати шохобчаси томонидан бир шартнома қийматининг ўзгариш коэффициентини (республика бўйича) ( $\kappa_{амк1} = \Sigma_{шок} / \Sigma_{ухк}$ );  $\kappa_{амк2}$  – ахборот таъминоти ва консалтинг хизмати шохобчасининг битта ишчига тўғри келадиган шартномалар сони ўзгариш коэффициенти (республика бўйича) ( $\kappa_{амк2} = Vam_{к_{шок}} / Vam_{к_{ухк}}$ );  $\kappa_2$  – фермер хўжаликлари ер майдонининг ўзгариш коэффициенти (ҳудудлар бўйича) ( $\kappa_2 = Wu_{фхм} / Wa_{фхм}$ );  $Na_{амк}$  – мавжуд ахборот таъминоти ва консалтинг хизмати шохобчалари сони (ҳудудлар бўйича);  $\Sigma_{шок}$  – ахборот таъминоти ва консалтинг хизмати шохобчасининг ўртача бир шартномага тўғри келадиган оптимал қиймати;  $\Sigma_{ухк}$  – ахборот таъминоти ва консалтинг хизмати шохобчасининг ўртача бир шартномага тўғри келадиган ҳақиқий қиймати;  $Vam_{к_{шок}}$  – ахборот таъминоти ва консалтинг хизмати шохобчасининг битта ишчига тўғри келадиган шартномаларнинг оптимал сони;  $Vam_{к_{ухк}}$  – ахборот таъминоти ва консалтинг хизмати шохобчасининг битта ишчига тўғри келадиган шартномаларнинг ўртача сони;  $Wu_{фхм}$  ( $Wa_{фхм}$ ) – истиқболдаги (амалдаги) фермер хўжаликлари ер майдони, минг га.

Диссертацияда келтирилган ҳисоб-китоб натижаларига кўра, қишлоқда ахборот таъминоти ва консалтинг хизмати шохобчаларининг истиқболда сони 3,5-3,6 мартага ошиши лозим. Бунинг асосий сабабларидан бири, таҳлилларга кўра, ҳозирги кунда республика бўйича битта ахборот-маслаҳат марказига мурожаат қилган ва қишлоқда тадбиркорга, шу жумладан фермерларга кўрсатилган пул ҳисобидаги ахборот-маслаҳат хизмати ҳали паст даражада. 2008 йил маълумотларига кўра, ушбу муассасалар томонидан шартномада кўрсатилган хизматлар ҳажми атиги 68,3 % бажарилган.

<sup>15</sup> Ўзбекистон Республикаси Президентининг 2009 йил 26 январдаги «Қишлоқ тараққиёти ва фаровонлиги йили» Давлат дастури тўғрисида» ПҚ-1046 – сонли қарорининг иловаси.

Шунингдек, диссертацияда фермер хўжаликларига хизмат кўрсатувчи банк шохобчалари (минибанк), идишлар тайёрлаш ва қадоқлаш, транспорт хизмати кўрсатиш каби бозор инфратузилмаларига бўлган талаблар (сони) 2012 ва 2015 йиллар учун прогноз вариантлари ишлаб чиқилган. Уларга кўра, фермер хўжаликларига хизмат кўрсатувчи минибанклар - 1,2-1,3 мартага, идишлар тайёрлаш ва қадоқлаш - 1,1-1,2 мартага, транспорт хизмати кўрсатиш шохобчалари 1,4 мартага кўпайиши лозим.

Ушбу тоифага кирувчи ишлаб чиқариш ва бозор инфратузилмалари фаолиятининг ташкил этилиши қишлоқ жойларида яшовчи аҳолини иш билан бандлигини оширишга ёрдам беради.

Статистик маълумотларга қараганда, 2008 йилда бандликни бошқариш органларига ишга жойлашиш учун 623,3 минг киши мурожаат қилган. Шулардан 72,1 %, яъни 449,4 минг киши қишлоқ аҳолисидир. Шундан 87,8 % (394,5 минг киши) иш билан таъминланган. Қолган 54,9 минг киши ишсиз сифатида рўйхатга олинган<sup>16</sup>. Диссертацияда амалга оширилган ҳисоб-китобларга кўра, қишлоқда ташкил этиладиган инфратузилма муассасаларида 26,0-26,6 мингта янги ишчи ўринлари ташкил этилиши мумкин (4-жадвал). Бу дегани қишлоқда иш билан бандлар сони 1,2-1,3 мартага кўпайиши, иш билан бандлик даражаси эса 5,7-5,9 ф.п.га ошиши мумкин.

#### 4 - жадвал.

Ўзбекистонда қишлоқ жойларида инфратузилма муассасаларини ташкил этиш ҳисобига яратиладиган янги иш ўринлари сонининг прогноз вариантлари\*

Худудлар	Мавжуд сони (2008 й.)	2012 йил		2015 йил	
		I-вариант	II-вариант	I-вариант	II-вариант
Қорақолпоғистон Р.	1357	1695	1714	1712	1745
Андижон вилояти	1818	2266	2300	2284	2339
Бухоро вилояти	1986	2465	2483	2474	2503
Жиззах вилояти	468	656	674	661	680
Қашқадарё вилояти	2181	2685	2709	2699	2733
Навоий вилояти	586	793	810	798	823
Наманган вилояти	1880	2277	2315	2296	2345
Самарқанд вилояти	2311	2724	2751	2737	2774
Сурхондарё вилояти	1310	1666	1713	1693	1772
Сирдарё вилояти	1076	1302	1311	1305	1318
Тошкент вилояти	2337	2782	2813	2796	2848
Фарғона вилояти	2172	2757	2774	2763	2797
Хоразм вилояти	1493	1912	1929	1924	1950
<b>Республика бўйича</b>	<b>20975</b>	<b>25980</b>	<b>26296</b>	<b>26142</b>	<b>26627</b>

\* Жадвал муаллиф ҳисоб-китоблари асосида тузилган

Шу билан бирга, истиқболда фермер хўжаликлари ва уларга хизмат кўрсатадиган инфратузилма объектлари ўртасидаги иқтисодий муносабатларни такомиллаштириш, кўрсатилаётган хизмат сифатини ва самарадорлигини ошириш учун қуйидагиларга эътиборни қаратиш лозим.

Ёқилғи-мойлаш материаллари (ЁММ), минерал ўғитларни тақсимлашда бозор механизмини кенг жорий этиш, хусусий компаниялар биржа

<sup>16</sup> Статсборник. Экономика Узбекистана: аналитический обзор за 2008 г. – Т.: Госкомстат, 2009 – С. 41.

савдоларидан тегишли ресурсларни сотиб олиш ва уни қишлоқ хўжалиги ишлаб чиқарувчиларига етказиб бериш, тижорат ташкилотлари ва лизинг компаниялари янги ташкил этиладиган муқобил МТП устав фондини шакллантиришда иштирок этиш тартибига ўтиш лозим. Минибанкларнинг фаолият кўрсатиш доирасини кенгайтириш мақсадида тижорат банкларини мулк, ер солиғидан озод этиш ва бошқа шу каби имтиёзли чора-тадбирларни амалга ошириш мақсадга мувофиқдир. Худудларда фаолият кўрсатаётган ахборот таъминоти ва консалтинг хизмати шохобчаларининг хизмат турларини кўпайтириш, унда ишлаш учун банк-молия, солиқ ва бошқа тизимларда ишлаган ёки ишлаётган амалий тажрибага эга кадрларни доимий ёки ўриндошлик асосида жалб этиш, фермерларнинг ахборот-маслаҳат, консалтинг шохобчалари хизматларидан фойдаланишини рағбатлантириш ва унга кўмаклашиш зарур. Жойларда йирик ва майда шохли моллар подасининг сонини кўпайтириш учун зотли молларни етиштиришга ихтисослашган фермер хўжалиklarини ташкил этиш ёки фаолият юритаётган чорвачиликка ихтисослашган фермерларга биринчи навбатда узок муддатли имтиёзли кредитлар бериш масаласини ҳал этиш, асосий фаолияти зотли моллар етиштиришга қаратилган фермер хўжалиklarига зооветеринария ва моддий-техника таъминоти хизматлари кўрсатишни кенгайтириш лозим.

Фермер хўжалиklarига Сув истеъмолчилари уюшмаси (СИУ) томонидан кўрсатиладиган хизматларни яхшилаш учун шартнома шартларини бажарилишини назорат қилиш ва сув танқислиги юз берган ҳолатларда фермер хўжалиги фаолиятини баҳолашда ушбу ҳолатни ҳисобга олишни йўлга қўйиш, фермер хўжалигига ижарага берилган ернинг суғориш шароити ҳамда меъёрлари бўйича тегишли маълумотларни тақдим этиш ва суғориш технологиясини назорат қилиш, фермер хўжалиklarида сувдан фойдаланиш самарадорлигини ўрганиб бориш ва белгиланган меъёрларга зарурият пайдо бўлганда ўзгартиришлар киритиш, сувдан фойдаланиш қоидалари бузилган ҳолларда уни уюшма йиғилишида муҳокама этиш ва тегишли чора-тадбирлар ишлаб чиқиш, суғориш суви танқис бўлган йилларда ундан навбатма-навбат фойдаланиш жадвалини ишлаб чиқиш ва унга амал қилишни доимий назорат қилиб бориш мақсадга мувофиқ. Шунингдек, СИУлар фермер хўжалиklarидан олинган тўловлар ёрдамида лоток, канал, зовурларнинг ишлаб туришини ва бошқа ирригация ва мелиорация ишлари сифатини оширишлари талаб этилади. Ушбу тадбирлар қишлоқда инфратузилмалар фаолиятининг самарасини ошириш билан бирга уларда ишлайдиган ходимларнинг даромадларини кўпайтиради. Натижада қишлоқда пул айланмаси тезлашади ва аҳолининг турмуш даражаси яхшиланади.

## ХУЛОСА

Тадқиқот жараёнида қуйидаги илмий хулосалар ҳамда амалий тавсия ва таклифлар ишлаб чиқилган:

1. Бошқариш фермер хўжалиги жамоа аъзолари меҳнатини мақсадга мувофиқ ташкил этишга қаратилгандир. У ишлаб чиқариш жараёнининг вақт ва маконда уйғунлашган тарзда ривожланишини ва маълум шароитда мўлжалдаги маҳсулотни ишлаб чиқариб, кам харажат қилишни назарда тутди. Ишлаб

чиқариш жараёнида техника, айланма маблағлар, ер, сув ресурсларидан оқилона фойдаланиш кўпинча фермер хўжалиги жамоа аъзолари меҳнатини қай даражада ташкил этилишига боғлиқ. Шунини инобатга олганда, меҳнат тақсимотиغا асосланган ишлаб чиқариш кооперациясини кенгайтириш самарали ҳисобланади.

2. Фермер хўжалиklarини илмий бошқариш изчил қарорлар қабул қилиш ва уларнинг ҳаётийлигини таъминлаш орқали амалга оширилади. Қарорлар моҳияти жиҳатдан бир-бирдан фарқ қилади ва хўжалик фаолиятининг турли жабҳаларидаги муаммоларни ечишга қаратилган бўлади. Қарорлар ахборотлар тизими орқали шаклланади.

Фермерлар меҳнатини илмий ташкил этишда мутаносиблик тамойилига амал қилиш, яъни ишлаб чиқаришни бошқаришда бажариладиган ишларни режалаштириш муҳимдир. Бу фермер бажарадиган барча бошқарув вазифалари ўртасидаги алоқадорликни ва мутаносибликни таъминлайди, вазифаларни мўлжалланган муддатда бажариш имконини беради. Мутаносиблик фермер бажарадиган вазифаларнинг оптимал ҳажмини аниқлаш ва меҳнат воситалари билан таъминлаш орқали амалга оширилади.

3. Республикада фермер хўжалиklarининг ривожланиши қишлоқ аҳолисини иш билан таъминлашга ижобий таъсир этади. Фермерларнинг ўз хўжалик фаолиятини самарали ва мустақил юритишдан манфаатдор бўлиши мулкдан оқилона фойдаланиб, барқарор ривожланиш йўлини танлаши, экинлар ҳосилдорлигининг ўсиб боришини таъминлаши, истиқболда ўз мавқеини янада мустаҳкамлаб бориш имконини беради. Шу билан бирга, келажакда, фермер хўжалиklари, қишлоқ хўжалиги маҳсулотларини ишлаб чиқарувчи асосий хўжалик субъектлари сифатида, барқарор ривожланиш босқичига кириш учун пухта замин яратиб беради.

4. Ўзбекистонда аграр ислохотларни амалга оширишнинг ҳозирги босқичида, кўп укладли иктисодиёт ривожланаётган даврда фермерлар кооперациясининг кенгайтишини таъминлаш энг устувор йўналишларидан бири ҳисобланади. Шунини ҳисобга олиб, республикада фермер хўжалиklари кооперациясини ривожлантириш, хориждаги қишлоқ хўжалиги кооперациялари фаолияти тажрибасини ўрганиш ва турли хил кооперацияга асосланган уюшма (бирлашма)ларни ташкил этиш мақсадга мувофиқ.

5. Фермер хўжалиklари кооперациясини ташкил этиш маҳаллий шароитни ўрганиш ва ташкил этилаётган уюшма (бирлашма)ларни хўжалиklar ҳаётига мослаштириш ва ихтисослик йўналишини аниқлаш муҳим. Бизнинг фикримизча, деҳқончилик ва чорвачилик маҳсулотларини ишлаб чиқариш, қайта ишлаш ҳамда қишлоқ хўжалик техникаларини сотиб олиш, сотиш, таъмирлаш ва сотишдан кейинги хизмат кўрсатиш соҳасида кооперацияга асосланган уюшмаларни ташкил этиш мақсадга мувофиқ. Бу қишлоқ хўжалик маҳсулотлари нобудгарчилигини олдини олади, тайёр маҳсулотлар турини кўпайтиради, ташиш харажатларини камайтириб, қишлоқда меҳнатга лаёқатли одамларнинг иш билан бандлигини таъминлайди.

6. Фермер хўжалиklарига хизмат кўрсатиш мақсадида ташкил этилган инфратузилма объектлари фаолиятига оид иктисодий муносабатларда

камчиликлар мавжуд. Хусусан, муайян инфратузилма объектини ташкил этиш масъул ташкилот томонидан катта маблағ сарфлаши, аксарият ҳолатда инфратузилмалар узоқ масофада жойлашгани (асосан туман ва вилоят марказларида), буюртмачилар (фермерлар) ва моддий-техника воситаларини етказиб берувчи шохобчалар ўртасида ҳисоб-китоб механизмларининг такомиллашмагани ҳамда тузилган шартномаларнинг бажарилмаслиги ва бошқалар. Бу нафақат фермер хўжаликларининг иктисодий фаолиятига салбий таъсир кўрсатиб қолмасдан, балки инфратузилма объектларининг даромади камайиб, молиявий ахvoli ёмонлашиб, ўз фаолиятини тугатишга олиб келади. Шу боис, истиқболда фермер хўжаликларига хизмат кўрсатувчи инфратузилмалар муассасаларини илмий ишда тавсия этилган прогнозлар негизида етарли даражада ташкил этиш мақсадга мувофиқдир.

7. Истиқболда фермер хўжаликлари ва уларга хизмат кўрсатадиган бозор инфратузилма объектлари ўртасидаги муносабатларни ривожлантириш ва такомиллаштириш йўналишида асосий вазифа - меъёрий ва микдорий кўрсаткичлардан фойдаланишдир. Чунки бу кўрсаткичлар алоҳида ҳудудларни реал ҳолатини кўрсатиб бериб, ушбу ҳудуднинг эҳтиёж ва талабларидан келиб чиққан ҳолда ташкил этилиши лозим бўлган инфратузилма объектларини аниқлашга ёрдам беради.

Ҳисоб-китобларга кўра, республикамизда 2012-2015 йилларда фермер хўжаликларига хизмат кўрсатувчи 1,90-1,95 минг муқобил МТП, 1,35-1,39 минг минибанк, 1,05-1,08 минг ахборот таъминоти ва консалтинг хизмати, 93-96 та идишлар тайёрлаш ва қадоқлаш, 109-110 та транспорт хизмат кўрсатиш шохобчаларини барпо этиш мақсадга мувофиқдир. Натижада қишлоқда барпо этилаётган инфратузилмалар орқали ишчи ўринлари сони 1,2-1,3 мартага кўпаяди ва иш билан бандлик даражаси 93,5-93,7 фоизга етади.

8. Қишлоқда бозор инфратузилмаларининг истиқболда янада самарали фаолият юритиши учун куйидагиларни амалга ошириш лозим:

биринчидан, фермерларни қўллаб-қувватлаш, жумладан молиялаштириш механизмларини такомиллаштириш, фермерларга хизмат кўрсатадиган инфратузилма муассасаларининг хизмат кўрсатиш сифатини ошириш;

иккинчидан, қишлоқда бозор инфратузилмалари фаолиятини давлат томонидан тартибга солиш ва қўллаб-қувватлашнинг ташкилий-иктисодий механизмларини такомиллаштириш;

учинчидан, қишлоқда инфратузилма объектларига кадрлар тайёрлаш ва уларнинг касбий тайёргарлик даражасини ошириш ҳамда инфратузилмаларни ривожлантиришнинг замонавий техник ва иктисодий сиёсатини шакллантириш.

### **ЧОП ЭТИЛГАН ИШЛАР РЎЙХАТИ**

1. Ҳасанов С., Ташматов Р.Х. Агросоноат мажмуида бошқарув // Ўзбекистон қишлоқ хўжалиги. – Тошкент, 2001. - №3. – 8-9 б.

2. Абдусаматов А., Ташматов Р.Х. Дехқон ва фермер хўжаликларининг ишлаб чиқариш ихтисослиги даражасини баҳолаш модели. // Математик моделлаштириш ва ҳисоблаш эксперименти: Республика илмий анжуман

маърузалар тўплами (25-27 март 2002 йил). - Тошкент ш., Кибернетика институти. - 220-221 б.

3. Абдусаматов А., Ташматов Р.Х. Дехкон ва фермер хўжаликларини ташкил этиш босқичлари ҳамда улар фаолиятининг истикболлари // Рыночные преобразования и развитие предпринимательства: Сборник научных трудов НИИ УРР. – Т: Консаудитинформ, 2002. – с. 262-267.

4. Ташматов Р.Х. Формирование хозяйствующих субъектов на селе и повышение эффективности их деятельности // Шестнадцатые международные плехановские чтения: Сборник докладов (23 апрель 2003 г.). - г. Москва, Российская экономическая академия. – С. 495-497.

5. Ташматов Р.Х. Кооперация – агросаноат мажмуида иктисодий муносабатларни ривожлантиришнинг самарали воситасидир // Бозор иктисодиёти шароитида кишлоқ хўжалигини барқарор ривожлантириш муаммолари: Халқаро илмий-амалий анжуман маърузалар тўплами (20-21 октябрь 2003 йил). - Тошкент ш., Бозор ислохотлари илмий-тадқиқот институти. – 354-356 б.

6. Ташматов Р.Х. Кооперация - фермер хўжаликларини ривожлантириш истикболли йўналишларидан бири // Экономика и класс собственников. – Тошкент, 2004. - №1 – 48-50 б.

7. Ташматов Р.Х. Фермерские хозяйства Узбекистана // Экономика и класс собственников. – Тошкент, 2004. - №3 – 60-63 б.

8. Беркинов Б.Б., Ташматов Р.Х. Оценка эффективности использования земельно-трудовых ресурсов в хозяйствах различной форм собственности // Бозор иктисодиёти шароитида кишлоқ хўжалигида ресурслардан фойдаланиш самарадорлигини ошириш: Халқаро илмий-амалий конференция маърузалар тўплами (21-22 май 2004 йил). - Тошкент ш., Бозор ислохотлари илмий-тадқиқот институти. – 17-19 б.

9. Беркинов Б.Б., Ташматов Р.Х. Фермер хўжаликларида хизмат кўрсатувчи бозор инфратузилма объектларини ташкил этиш ва самарали фаолият юритишини таъминлаш йўллари // Фермер хўжаликларини ривожлантириш Концепцияси, конунчиликни такомиллаштириш ва республикада фермерликни ривожлантириш истикболлари: Халқаро илмий-амалий конференция маърузалар тўплами (2005 йил). – Тошкент ш., ЎзР Олий Мажлиси Сенати. – 105-108 б.

10. Ташматов Р.Х. Фермер хўжаликларида ишлаб чиқаришни бошқариш // Кадрлар тайёрлаш тизимида – аграр таълим, фан ва ишлаб чиқариш интеграцияси: Халқаро илмий-амалий конференция маърузалар тўплами (2006 йил). - Тошкент ш., Тошкент давлат аграр университети. – 550-554 б.

11. Исмаилова С., Ташматов Р.Х. Инфратузилмалар: ташкил этиш асослари ва ривожлантириш йўллари // Ўзбекистон: кишлоқ хўжалиги. – Тошкент, 2006. - №3. – 11 б.

12. Исмаилова С., Ташматов Р.Х. Фермерчиликни ривожлантириш йўлида // Бозор, пул ва кредит. – Тошкент, 2007. - №6. – 51-52 б.

13. Ташматов Р.Х. Фермер хўжаликларида хизмат кўрсатувчи бозор инфратузилмаларни ташкил этиш аҳамияти // Бозор муносабатларини

ривожлантириш шароитида қишлоқда инфратузилма объектларни ташкил этиш ва ривожлантиришнинг устувор йўналишлари: Илмий-амалий конференция маърузалар тўплами (14-15 ноябрь 2007 йил). - Тошкент ш., Бозор ислохотлари илмий-тадқиқот институти. - 179-183 б.

14.Ташматов Р.Х. Фермер хўжаликлари фаолиятини бошқариш масалалари // Ер ва сув ресурсларидан фойдаланишда бозор муносабатларини шакллантиришнинг иқтисодий муаммолари: Республика илмий-амалий анжуман материаллар тўплами (23-24 ноябрь 2007 йил), II-том. - Тошкент ш., Тошкент ирригация ва мелиорация институти. – 152-154 б.

15.Ташматов Р.Х. Фермер хўжалигида мулкчилик муносабатларининг самараси // Ер ва сув ресурсларидан фойдаланишда бозор муносабатларини шакллантиришнинг иқтисодий муаммолари: Республика илмий-амалий анжуман материаллар тўплами (23-24 ноябрь 2007 йил), II-том. - Тошкент ш., Тошкент ирригация ва мелиорация институти. – 155-156 б.

16.Беркинов Б.Б., Ташматов Р.Х. Ўзбекистонда фермер хўжаликларига хизмат кўрсатувчи инфратузилмаларни ривожлантириш йўналишлари: Ўқув кўлланма. – Т.: ТДИУ, 2007. – 44 б.

17.Беркинов Б.Б., Ташматов Р.Х., Каримова Х. Ўзбекистонда фермер хўжаликларига хизмат кўрсатувчи инфратузилмалар самарадорлигини ошириш йўллари: Илмий-оммабоп нашр – Т.: ТДИУ, 2007. – 43 б.

18.Беркинов Б.Б., Ташматов Р.Х. Ўзбекистонда фермер хўжаликлар ва уларга хизмат кўрсатувчи бозор инфратузилмаларни ривожлантириш истиқболи: Илмий-оммабоп нашр – Т.: ТДИУ, 2008. – 37 б.

19.Ташматов Р.Х. Ўзбекистонда фермер хўжаликларининг ривожланиши ва бошқарув механизмининг шаклланиши // Ўзбекистон иқтисодиёти: эришилган ютуқлар, муаммолар ва ривожланиш истиқболлари: Республика илмий-амалий анжумани маърузалар тўплами (22 ноябрь 2008 йил). – Тошкент ш., Тошкент давлат иқтисодиёт университети. – 185-187 б.

20. Ташматов Р.Х. Агросаноат интеграциясининг бошқарув омиллари // Аграр иқтисодиёт тармоқларида кооперация жараёнини ривожлантиришнинг асосий йўналишлари: Илмий-амалий конференция тўплами. – Тошкент ш., Бозор ислохотлари илмий-тадқиқот институти, 2009. – 46-48 б.

21. Ташматов Р.Х. Фермер хўжалигида мулкчилик муносабатлари ва бошқарувининг самараси // Қишлоқ таракқиёти ва аҳоли турмуш даражасини оширишда банк-молия тизимининг ўрни: Ҳалқаро илмий-амалий конференция тўплами (25 сентябрь 2009 йил). – Тошкент ш., Ўзбекистон Республикаси Банк-молия академияси. - 156-158 б.

22. Ташматов Р.Х., Хашимов У. Особенности земельно-имущественных отношений в фермерских хозяйствах Узбекистана. // Управление земельно-имущественными отношениями: Материалы V Международной научно-практической конференции (18-19 ноября 2009 г.). - г. Пенза, Пензенский государственный университет архитектуры и строительства, 2009. – С.194-196.

23. Ташматов Р.Х. Фермер хўжалиги бошқаруви: такомиллаштириш жараёни ва самараси // Биржа эксперт. – Тошкент, 2009. - №10. – 22-25 б.

Иқтисод фанлари номзоди илмий даражасига талабгор Р.Х.Ташматовнинг 08.00.13 – “Менежмент ва маркетинг” ихтисослиги бўйича “Фермер хўжаликлари кооперацияси ва бозор инфратузилмалари ривожланишини бошқариш” мавзусидаги диссертациясининг

## Р Е З Ю М Е С И

**Таянч (энг муҳим) сўзлар:** бошқарув тизими, фермер хўжаликлари, ишлаб чиқариш кооперацияси, ҳудудий ташкилий тузилма, хизмат кўрсатиш, ишлаб чиқариш ва бозор инфратузилмаси, прогноз вариантлари.

**Тадқиқот объектлари:** Ўзбекистонда фаолият юритаётган фермер хўжаликлари ва уларга хизмат кўрсатаётган инфратузилма муассасалари.

**Ишнинг мақсади:** фермер хўжалиklarининг ишлаб чиқариш кооперациясини ташкил этиш ҳамда уларга хизмат кўрсатувчи бозор инфратузилмалари ривожланишини бошқаришни такомиллаштириш бўйича илмий-услубий тавсиялар ва амалий таклифлар ишлаб чиқишдан иборат.

**Тадқиқот усуллари:** тизимли таҳлил, вазиятли ва функционал ёндашув, эксперт баҳолаш, статистик гуруҳлаш, монографик кузатиш, моделлаштириш ва бошқалар.

**Олинган натижалар ва уларнинг янгилigi:** фермер хўжаликлари фаолиятини бошқаришнинг ички ва ташқи омилларининг ўзаро алоқадорлик ҳамда ўзаро таъсири асослаб берилган; фермер хўжалиklarини бошқаришни давлат томонидан тартибга солиш ва қўллаб-қувватлашнинг ҳуқуқий асосларини такомиллаштиришга оид таклифлар ишлаб чиқилган; хорижий мамлакатлар тажрибасига таянган ҳолда фермер хўжалиklarининг ишлаб чиқариш ва хизмат кўрсатиш кооперациясининг ҳудудий бошқарув тузилмалари ҳамда фаолият юритиш механизмлари ишлаб чиқилган; бозор инфратузилмалари хизматига талабнинг ўсиб боришини инobatга олган ҳолда истиқболда инфратузилма объектларининг сони ва жойлашиши, ишчи кучи бандлигининг прогноз вариантлари ишлаб чиқилган; фермер хўжалиklarига хизмат кўрсатадиган бозор инфратузилма объектлари фаолиятининг самарадорлигини ошириш йўллари таклиф этилган.

**Амалий аҳамияти:** тадқиқот натижалари фермер хўжаликлари ихтисослашган кооперациясини ташкил этиш ва ривожлантиришнинг қонунчилик базасини такомиллаштириш, уларни қўллаб-қувватлаш институтлари ва уларга хизмат кўрсатувчи инфратузилмалари фаолият самарадорлигини оширишда фойдаланиш мумкин.

**Татбиқ этиш даражаси ва иқтисодий самарадорлиги:** диссертация ишининг асосий хулоса ва натижалари Ўзбекистон Республикаси Қишлоқ ва сув хўжалиги вазирлиги томонидан фермер хўжалиklarини ривожлантириш дастурини ишлаб чиқишда фойдаланиш учун қабул қилинган ва Ўзбекистон Республикаси Давлат мулки кўмитаси Тадқиқотлар маркази илмий-тадқиқот ишларида татбиқ этилган.

**Қўлланиш (фойдаланиш) соҳаси:** фермер хўжаликлари кооперацияси ва инфратузилмаларни ривожлантириш бўйича бошқарув қарорларини қабул қилиш ҳамда қонунчиликни такомиллаштириш.



## РЕЗЮМЕ

диссертации Ташматова Р.Х. на тему: “Управление развитием кооперации фермерских хозяйств и рыночных инфраструктур” на соискание ученой степени кандидата экономических наук по специальности 08.00.13 – “Менеджмент и маркетинг”

**Ключевые слова:** система управления, фермерские хозяйства, производственная кооперация, региональная организационная структура, обслуживающая, производственная и рыночная инфраструктура, прогнозные варианты.

**Объекты исследования:** фермерские хозяйства Узбекистана и обслуживающие их инфраструктурные учреждения.

**Цель работы:** разработка научно-методических рекомендаций и практических предложений по совершенствованию управления организацией производственной кооперации фермерских хозяйств и развитием обслуживающих их рыночных инфраструктур.

**Методы исследования:** системный анализ, ситуационный и функциональный подход, экспертная оценка, статистическая группировка, монографическое наблюдение, моделирование и др.

**Полученные результаты и их новизна:** обоснованы взаимосвязь и взаимовлияние внутренних и внешних факторов управления деятельностью фермерских хозяйств; разработаны предложения по совершенствованию правовых основ государственного регулирования и поддержки управления фермерскими хозяйствами; опираясь на опыт зарубежных стран, разработаны региональные структуры управления производственной и обслуживающей кооперации фермерских хозяйств, а также механизмы их деятельности; разработаны прогнозные варианты количества и размещения объектов инфраструктур, учитывая повышающийся спрос на них, а также занятости рабочей силы на перспективу; предложены пути повышения эффективности деятельности объектов инфраструктур, оказывающих услуги фермерским хозяйствам.

**Практическая значимость:** результаты исследования могут быть использованы при совершенствовании законодательной базы организации и развития специализированной кооперации фермерских хозяйств, а также при повышении эффективности деятельности институтов их поддержки и обслуживающих их инфраструктур.

**Степень внедрения и экономическая эффективность:** основные выводы и результаты диссертационной работы приняты к использованию Министерством сельского и водного хозяйства Республики Узбекистан в разработке программ развития фермерских хозяйств и внедрены в научно-исследовательской работе Центром исследований Госкомимущества Республики Узбекистан.

**Область применения:** принятие управленческих решений по развитию кооперации фермерских хозяйств и инфраструктур, а также совершенствование законодательства.

## RESUME

Thesis of Tashmatov Rustam Husanovich of the scientific degree competition of the candidate of sciences in Economy on specialty 08.00.13 – “Management and marketing”, subject: “Regulation of developing cooperation of farm and market infrastructures”

**Key words:** system regulations, farm, productive cooperation, regional organizing structure, servicing, productive and market infrastructure, prognoses versions.

**Subjects of the research:** farm in Uzbekistan and their servicing organizations of infrastructures.

**Purpose of work:** elaboration of scientific-methodical recommendations and practical suggestions of upgrading regulations in organizing productive cooperation of the farm and also in the development of their servicing market infrastructures.

**Methods of research:** system analysis, situational and functional approach, expert estimation, statistical classification, monographic observation, modeling and etc.

**The results obtained and their novelty:** have been validated the relationship between them and their mutual influence inner and outer factors of regulation of farm activities; have been worked out suggestions on a legal bases of governmental regulation and supports upgrading of farm regulation; resting in foreign experience have been worked out regional structures of regulating productive and farm servicing cooperation and mechanisms of their activities; prognoses versions of amount and placing objects infrastructures have been worked out taking in to consideration the increasing demand on them and prognoses variants of employing workers for future; have been offered ways on increasing efficiency activities of object infrastructures being farm services.

**Practical value:** the results of research can be used in upgrading of the legislative base of the creation and developing specialized cooperation of farms, of developed efficiency activity institutes of their supports and their servicing infrastructures.

**Degree of embed and economic efficiency:** the main findings and results of the dissertation work is accepted into use by the Ministry rural and water facilities of the Republic of Uzbekistan and was introduced in research work by the Research centre of Goskomimuschestva of the Republic of Uzbekistan.

**Field of application:** accepting regulations decisions on the development cooperation farms and infrastructures and upgrading of the legislation.

Қогоз бичими	1.4 б.т.
Босишга рухсат этилди	19.04.2010 й.
Таражи	100 нуска
Буюртма №	136

Тошкент тўқувачилик ва енгил саноат институти  
босмахонасида чоп этилди

Тошкент, Шохжаҳон кўчаси,  
5-уй